

四庫全書

史部

欽定四庫全書

史部

欽定歷代職官表卷七十二

內閣中書_臣沈鵬覆勘

纂修_臣鮑校勘翰林院編修_臣馮集梧

謄錄增貢生_臣溫承志

欽定四庫全書

欽定歷代職官表卷七十一

藩屬各官表

漢	南	科	爾	心	等	部	禮	陸	克	下	官
秦											
漢											
後漢											
三國											
晉											
宋											
齊											
北魏											
北齊											
後周											
隋											
唐											
季											
宋											
遼											
金											
元											
明											

漢北喀爾喀等部札薩克以下官

高第主
封西海
郡開國
公

蒙古
平國
郡
主

青 海 四 部 札 薩 克 以 下 官

吐谷渾王
王封渾王
河公臘將軍
西公河軍
南王
平王
海公
國公

欽定四庫全書



卷七十一

藩屬各官

國朝官制

外藩蒙古科爾沁等二十五部五十一旗喀爾喀四部
八十五旗青海四部二十九旗阿拉善額魯特一旗烏
蘭烏蘇額魯特二旗額濟納土爾古特一旗都爾伯特
十六旗每旗札薩克一人協理旗務二人或四人管旗
章京一人副章京二人或一人叅領每六佐領則一人
佐領每百丁或二百丁或二百五十丁則一人驍騎校

每佐領下則一人

札薩克掌治一旗之政令或由世襲或由

簡任不拘爵秩蒙古科爾沁等部五十一旗及青海四

部落二十九旗每旗札薩克以王貝勒貝子公台

吉為之惟喀喇沁添設一旗以一等塔布囊喀爾

喀等部八十五旗及都爾伯特十六旗每旗札薩

克以汗王貝勒貝子公台吉為之阿拉善額魯特

以王及公烏蘭烏蘇額魯特以貝子額濟納土爾

古特以貝勒協理旗務掌佐札薩克之政亦以台吉以上為之自管旗章京以下至驍騎校皆掌統其所屬之衆以聽於札薩克惟青海達喇嘛察漢諾們汗所屬蒙古分四佐領不統於各旗給印令達喇嘛管轄每旗按丁數編為佐領設佐領一人驍騎校一人領催六人驍騎五十人六佐領設叅領一人佐領多者設管旗章京一人副章京二人十佐領以下設章京副章京各一人並於每旗台

吉內遴選以原爵兼任如台吉內無人於叅領內
遴選叅領於佐領內遴選佐領於驍騎校內遴選
以次遞升

謹案外藩蒙古設官雖同而分地各異其大別
有三一為漠南科爾沁等部一為漠北喀爾喀
四部一為青海四部若阿拉善額魯特額濟納
土爾古特皆在寧夏甘肅邊外亦漠南地都爾
伯特在喀爾喀疆理之內烏蘭烏蘇又喀爾喀

賽因諾爾部所轄也故於表以漠南漠北青海等部別而為三因以上推歷代建置之異庶彼此各有區別云

回部哈密一旗札薩克一人協理旗務一人管旗章京一人副章京一人叅領二人佐領十三人土爾番一旗札薩克一人協理旗務二人管旗章京一人副章京二人叅領二人佐領十五人伯克十人

凡回部之久經內屬者一如蒙古之制編為旗分

設札薩克以下等官哈密札薩克以功晉郡王貝勒土爾番晉郡王

謹案哈密土爾番二部雖並膺王封而實佐我駐劄大臣共理庶事故互見於新疆各官篇而其屬則冠以

天朝之品秩仍存諸部之舊稱謹具列於此至於德威遐布西域蕩平二萬餘里安屯置郡土爾扈特復率衆輸忱全部歸順其間量材授職品秩昭

然而悲

簡大臣往臨其政故專列新疆表中而識其區別如

右云

歷代建置

謹案自古外藩設官羈縻不絕叛服無常弱則
稽顙來王強則稱兵擾塞未有能使之畏威懷
德心悅誠服者也我

國家誕膺

天命中外一統武功戡定文德懷柔冰天月窟悉主悉
臣蒙古漠南漠北諸郡以暨回城君長莫不傾
心向化獻琛奉摯永為不侵不叛之臣因為之
設官分職蒙古各部暨回部之久經內附者皆
設札薩克以理旗務又悉置都統以下等官一
如八旗之制而回城伯克亦皆被以

天朝之品秩此實亘古以來之盛事求之史冊罕有
倫比今纂集兩漢以來西北裔國之受中國爵

號者以備此表云

三代

書益稷謨外薄四海咸建五長

禮記曲禮其在東夷北狄西戎南蠻雖大曰子於
內自稱曰不穀於外自稱曰王老鄭康成注謂九
州之外長也天子亦選其諸侯之賢者以為之子
子猶牧也雖有侯伯之地本爵無過子

謹案爾雅九夷八蠻七戎六狄謂之四海曲禮

之東夷北狄西戎南蠻即虞書之所謂四海其地在九州之外亦擇其諸侯之賢者以為之長如中國之牧伯此即唐虞咸建五長之法也今漠南哈密青海之地在唐虞三代時皆為荒服其設官之法見於益稷謨及曲禮者大略如此若其詳則不可考矣

秦未置

漢

漢書趙充國列傳羌若零離留且種兒庫共斬先
零大豪猶非楊玉首及諸豪弟澤楊雕良兒靡忘
皆帥煎鞏黃羝之屬四千餘人降漢封若零弟澤
二人為帥衆王離留且種二人為侯兒庫為君陽
雕為言兵侯良兒為君靡忘為獻牛君初置金城
屬國以處降羌

謹案青海之地漢為西羌自晉至隋為吐谷渾
青海古曰西海亦曰鮮水王莽置西海郡漢書

趙充國傳罕升在鮮水上又云治湟陁中道橋
令可至鮮水是也羌為充國屯田所困諸豪帥
皆降悉封為侯王君長然自安國未屯田之先
義渠安國行視諸羌已有歸義侯楊玉則其受
漢封爵久矣

漢書西域列傳凡國五十自譯長城君監吏大祿
百長千長都尉且渠當戶將相至侯王皆佩漢印
綬凡三百七十七人而康居大月氏安息罽賓烏

弋之屬皆以絕遠不在數中

謹案西漢時西域五十國置都護以統領之惟
康居大月氏安息條支屬賓烏弋山離諸國不
屬都護餘國之屬於都護者其王皆佩漢印綬
其強大而親近者又略為署置官吏傳中所言
王侯將相且渠當戶以下等官皆漢所加位號
也

後漢書百官志四夷國王率衆王歸義侯邑君邑

長皆有丞比郡縣

晉書匈奴列傳後漢建安中魏武帝始分其衆為五部立其中貴者為帥選漢人為司馬以監督之謹案漢自宣帝以後匈奴稱臣入朝然單于自稱其爵號如故未嘗加以漢爵其印文曰匈奴單于璽不冠以漢字蓋不以純臣待之也後漢光武立南匈奴亦用前漢呼韓邪故事至建安立五部帥始加以中國官爵矣然漢初匈奴兼

有漠南漠北之地武帝命將出征攘卻匈奴而
漠南無王庭後漢時南匈奴款塞處漠南北匈
奴在漠北至建安所立五部即皆在太原郡境
非復匈奴之故地矣今故於後漢及魏晉匈奴
之置官第附著之而不以列於表云

後漢書烏桓列傳建武二十五年遼西烏桓大人
郝旦等九百二十二人率衆向化詣闕朝貢於是
封其渠帥為侯王君長者八十一人皆居塞內布

於緣邊諸郡

後漢書鮮卑列傳建武三十年鮮卑大人於仇賁等率種人朝賀慕義內屬帝封於仇賁為王

袁宏後漢紀建武三十一年秋九月鮮卑大人於仇賁率其種人貢獻封賁為王鮮卑別居鮮卑山因號焉

三國魏志烏丸列傳注魏書曰漢安帝時烏丸稍復親附拜其大人戎末廐為都尉至順帝時戎末

鹿率將王侯咄歸去延等從烏丸校尉耿舉出塞
擊鮮卑有功還皆拜為率衆王賜束帛

陳琳為袁紹拜烏丸三王為單于版文使持節大
將軍督幽青并領冀州牧阮鄉侯紹承制詔遼東
屬國率衆王頒下烏丸遼西率衆王蹋頓右北平
率衆王汗盧維乃祖慕義遷善款塞內附北捍獫
狁東拒濊貊世守北陲為百姓保鄣雖時侵犯王
畧命將徂征厥罪率不旋時悔愆變改方之外夷

最又聰慧者也始有千夫長百夫長以相統領用
能悉乃心克有勲力於國家稍受王侯之命自我
王室多故公孫瓚作難殘夷厥土之君以侮天慢
王是以四海之內並執干戈以衛社稷三王奮氣
裔土忿奸憂國控弦與漢兵為表裏誠甚忠孝朝
所嘉焉然而虎兕長蛇相隨塞路王官爵命否而
無聞夫有勲不賞俾勤者怠今遣行謁者楊林齊
單于璽綬車服以對爾勞其各綏靜部落教以謹

慎無使作凶作慝世復爾祀位長為百蠻長厥有
咎有不臧者泯於爾祿而喪於乃庸可不免乎

謹案漢時鮮卑在遼東塞外烏丸在上谷漁陽
右北平遼東遼西五郡塞外即今蒙古科爾沁
敖漢奈曼喀爾喀左翼喀喇沁蘓尼特等部落
之地也

後漢書馬援列傳遣羌豪楊封譬說塞外羌皆來
和親

後漢書鄧訓列傳燒當羌豪東號稽顙歸死餘皆
款塞納質

謹案後漢西羌屢叛為國大患安帝時至僭大
號然自光武置護羌校尉而馬援鄧訓傳皆言
羌豪和親款塞必有受漢爵者特吏文不具耳

後漢書西域列傳建武五年河西大將軍竇融承
制立莎車王康為漢莎車建功懷德王西域大都
尉康死弟賢代立十七年賜賢西域都護印綬敦

煌太守裴遵上言夷狄不可假以大權又令諸國
失望詔書收還都護印綬更賜賢以漢大將軍印
綬○和帝永元二年大將軍竇憲破北匈奴車師
震懾前後王各遣子奉貢入侍並賜印綬金帛
太平寰宇記莎車國後漢光武建武五年西河大
將軍竇融承制立其王康為漢莎車建功懷德王
西域大都尉五十五國皆屬○扞彌國陽嘉初燉
煌太守徐由遣踈勒發兵擊之破于闐遂立拘彌

王○焉耆國和帝永元六年都護班超發諸國兵討之殺其王超乃立焉耆左侯元孟為王

謹案後漢復通西域莎車車師二國皆受漢爵號賜印綬見於史傳其餘國之屬於都護者其王當亦受漢封爵如西漢時矣又考莎車王康之為漢莎車建功懷德王與今之扎薩克王同其為西域大都尉其子賢為漢大將軍以藩王加漢爵統領多國實兼今新疆各官之職故于

新疆各官卷內互載之

三國

晉書匈奴列傳後漢建安中始分其衆為五部部立其中貴者為帥魏末復改帥為都尉

三國魏志烏丸列傳注魏略曰景初元年右北平烏丸單于寇婁敦遣弟阿羅槃等詣闕朝貢封其渠帥三十餘為王

三國魏志鮮卑列傳鮮卑步度根既立建安中遣

使獻馬帝拜為王青龍元年步度根將世歸泥及部衆悉保比能寇鈔并州殺略吏民帝遣驍騎將軍秦朗征之歸泥叛比能將其部衆降拜歸義王○軻比能本小種鮮卑衆推以為大人延康初遣使獻馬文帝立比能為附義王○素利靡加厥機皆為大人在遼西右北平漁陽塞外建安中因閭柔上貢獻通市太祖皆表寵以為王厥機死又立其子沙末汗為親漢王文帝立素利彌加為歸義

王

冊府元龜魏文帝漢延康元年封鮮卑素利彌加
為歸義王○黃初元年更授匈奴南單于呼厨泉
魏璽綬賜青蓋乘輿寶玉玦是年鮮卑步度根拜
為王○明帝太和三年以大月氏王波調為親魏
大月氏○景初元年右北平烏丸單于寇婁敷遣
弟阿羅槃等詣闕朝貢封其渠帥三十餘人為王
謹案魏文帝外國遣使奉獻詔曰西戎即叙氏

羌來王詩書美之頃者西域並款塞內附其遣
使者撫勞之但云撫勞之則文帝時未嘗封西
域諸國如烏桓鮮卑可知其以大月氏王為親
魏大月氏則在明帝三年但云大月氏亦非若
附義歸義之特加王號也

晉

司馬光資治通鑑初匈奴劉猛死劉虎代領其衆
號鐵弗氏與白部鮮卑皆附於漢劉琨將討之遣

使卑辭厚禮說拓跋猗盧以請兵猗盧使其弟弗
之子鬱律帥騎二萬助之遂破劉虎白部琨與猗
盧結為兄弟表為大單于以代郡封之為公建興
三年詔進猗盧爵為王置官屬食代常山二郡

晉書慕容廆載記曾祖莫護跋魏初從宣帝伐公
孫氏有功拜率義王父涉歸以全柳城功進拜鮮
卑單于涉歸有恨於宇文鮮卑廆將修先君之怨
表請討之武帝弗許廆怒入寇遼西帝遣幽州諸

軍討虜衆大敗後遣使來降拜為鮮卑都督建
興中愍帝遣使拜虜鎮軍將軍昌黎遼東二國公
建元初元帝承制拜虜假節散騎常侍都督遼左
雜夷流人諸軍事龍驤將軍昌黎公

晉書段匹磾列傳父務弗塵遣兵助東海王越征
討有功王浚表為親晉王封遼西公懷帝即位以
務弗塵為大單于匹磾為左賢王率衆助國征討
假撫軍大將軍

宋齊梁陳

北史吐谷渾列傳阿豺遣使通宋獻其方物宋少
帝封為澆河公未及拜受文帝元嘉三年又加除
命會暴病死慕瓚立又奉表通宋文帝又授隴西
公慕瓚死弟慕利延立又通宋宋封為河南王慕
利延死拾寅立又受宋封爵號河南王

冊府元龜宋文帝元嘉七年正月以吐谷渾慕瓚
為征西將軍沙州刺史慕瓚遼東鮮卑也兄阿豺

晉未譙縱之亂遣使上表獻方物詔為安西將軍
沙州刺史澆河公阿豺死慕瓚立奉表故有是命
九年六月以征西將軍沙州刺史吐谷渾慕瓚為
征西大將軍西秦河二州刺史十五年二月以平
東將軍吐谷渾慕延為征西將軍西秦河二州刺
史十六年六月改封隴西王吐谷渾慕延為河南
王二十九年九月以平西將軍吐谷渾拾寅為安
西將軍西秦河二州刺史孝武即位初安西將軍

西秦河二州刺史吐谷渾拾寅進號鎮西大將軍
開府儀同三司明帝泰始三年十月鎮西大將軍
西秦河二州刺史河南王吐谷渾拾寅進號征西
大將軍後廢帝元徽三年九月征西大將軍河南
王吐谷渾拾寅進號車騎大將軍○南齊太祖建
元元年五月詔使持節散騎常侍都督秦河沙三
州諸軍開府儀同三司領護羌校尉西秦河二州
刺史河南王吐谷渾拾寅進號驃騎大將軍武帝

永明三年六月以河南王拾寅世子吐谷渾易度
侯為使持節都督西秦河沙三州諸軍事鎮西將
軍領護羌校尉西秦河二州刺史○梁高祖天監
三年九月以河南王世子伏連籌為鎮西將軍西
秦河二州太守河南王中大通元年三月以河南
王伏連籌子阿羅真為寧西將軍護羌校尉西秦
河二州刺史

謹案晉自永嘉擾亂遂失中原迄於梁陳偏安

江左聲教不通於北裔惟吐谷渾兼事南北兩朝宋齊梁時皆嘗稱臣奉貢其地在青海之上即今額魯特等部落之所居也

北魏

北史吐谷渾列傳魏太武時遣使者策拜慕瓚為大將軍西秦王太延二年慕瓚死弟慕利延立拜鎮西大將軍儀同三司改封西平王慕利延死樹洛干子拾寅立太武遣使拜為鎮西大將軍沙州

刺史西平王拾寅死子度易侯立死子伏連壽立
孝文拜伏連壽使持節都督西陲諸軍事征西將
軍領護西戎中郎將西海郡開國公吐谷渾王

北史高車列傳伊訥遣使奉表於是遣使者拜為
鎮西將軍西海郡開國公

北史高昌列傳魏熙平二年魏嘉遣使朝貢延昌
中以嘉為持節平西將軍瓜州刺史泰臨縣開國
伯私署王如故嘉死子堅立晉泰中遣使朝貢除

平西將軍瓜州刺史泰臨縣開國伯王如故又加
衛將軍至永熙三年特除儀同三司進為郡公大
統十四年詔以其子元嘉為王恭帝二年又以其
田地公茂嗣位

謹案元魏時蠕蠕強盛統率北方雖遣使朝貢
未嘗稱臣而高車王伊訶明帝時嘗受封爵其
地在北海之上即漢之丁零在今為鄂羅斯地
尚在喀爾喀諸部之北若其時西域則受朝命

者惟高昌一國其餘但通貢使而已

北齊

未置

後周

未置

謹案魏時北狄之高車西域之高昌皆嘗受封
爵而吐谷渾則世受朝命至正光時不絕周齊
之際蠕蠕滅而突厥興與中國抗衡而高車自
東魏之末已為蠕蠕所破自後無聞焉吐谷渾
自魏末莫折念生反於秦州河西路絕貢獻不

通其王夷呂立自稱可汗後雖於周齊皆嘗通
貢而爵命自此絕矣若高昌則史亦但言武成
保定中嘗通貢獻而已蓋自魏氏既分東西構
難中國多故故聲教所及遠遜魏氏至周武平
齊之後歷年無多亦未暇遠略也

隋未置

隋書突厥列傳沙鉢略遣第七兄窟舍真奉表拜
窟舍真為上柱國封安國公○處羅侯立為葉護

金史紀事本末卷之十一
可汗遣其母弟褥但特勒獻于闐玉杖上拜褥但
為柱國康國公

北史吐谷渾列傳隋開皇初遣上柱國諧率步騎
數萬擊之夷吾遠遁其名王十三人各率部落而
降上以其高寧王移茲裒素得衆心拜大將軍封
河南王以統降衆

冊府元龜隋開皇十九年四月突厥利可汗內附
以為啟民可汗煬帝大業五年高昌王麴伯雅來

朝拜左光祿大夫車師太守封弁國公

謹案隋時突厥臣伏啟民可汗乃其所立然亦
自稱其爵號與漢之呼韓邪南單于無異惟沙
鉢略子窟含真處羅侯弟褥但特勒常受柱國
國公之號乃因其奉使貢獻而嘉寵之非若設官
有常職者也吐谷渾自夷呂既叛雖屢被征討
終未常受爵命如魏時移茲哀之為河南王特
以統其降衆而已亦與舉國稱藩者不同故今

並附錄於此而不以著於表

唐

新唐書北狄契丹列傳貞觀二年摩會來降明年
入朝帝伐高麗悉發酋長與奚酋領從軍帝還過
營州以窟哥為左武衛將軍大酋辱紇主曲據又
率衆歸即其部為元州拜曲據刺史未幾窟哥舉
部內屬乃置松漠都督府以窟哥為使持節十州
諸軍事松漠都督封無極男奚列傳太宗伐高麗

太酋蘓支從戰有功不數年其長可度者內附帝
為置饒樂都督府拜可度者使持節六州諸軍事
饒樂都督封樓煩縣公開元二年奚酋李大酺使
奧蘓悔落丐降封饒樂郡王左金吾衛大將軍饒
樂都督黑水靺鞨列傳黑水靺鞨居肅慎地貞觀
二年臣附以其地為燕州開元十年其長倪屬利
稽來朝元宗即拜勃利州刺史於是安東都護薛
泰請置黑水府以部長為都督刺史朝廷為置長

史監之渤海列傳渤海本粟末靺鞨地武后封乞
四比羽為許國公乞乞仲象為震國公仲象死其
子祚榮建國自號震國王中宗時遣子入侍睿宗
先天中遣使拜祚榮為左驍衛大將軍渤海郡王
新唐書突厥列傳頡利既敗乃舉衆來漠南地遂
空帝度朔方地建為都督府擢酋豪為將軍郎將
者五百人奉朝請者且百員乃以突利可汗為順
州都督令率其下就部○思摩頡利族人也武德

初數以使者來高祖嘉其誠封和順郡王及諸部
納款思摩獨留與頡利俱禽太宗以為忠授右武
侯大將軍化州都督統頡利故部居河南徙懷化

郡王

舊唐書回紇列傳貞觀二十年遣使入貢以破薛
延陀功賜宴內殿太宗幸靈武受其降款因請回
鶻以南置郵遞通管北方太宗以回紇為瀚海府
拜其俟利發吐迷度為懷化大將軍兼瀚海都督

新唐書西域列傳焉耆貞觀六年其王龍突騎支始遣使來朝十二年侯君集討高昌突騎支引兵佐唐西突厥臣屈利咄為弟娶突騎支女遂相約不朝貢安西都護郭孝恪討之執突騎支而還立突騎支弟婆伽利為王以其地為焉耆都督府婆伽利死國人請還前王突騎支高宗許之拜左衛大將軍歸國○龜茲王訶黎布失畢貞觀二十一年兩遣使朝貢帝怒其助焉耆叛發兵討之執訶

黎布失畢獻太廟拜左武衛中郎將始徙安西都
護于其都統于闐疏勒碎葉號四鎮○疏勒國天
寶十二載首領裴國良來朝授折衝都尉○于闐
王伏闐信入見天子授右衛大將軍子葉護玷為
右驍衛將軍上元初以其地為毗沙都督府○康
貞觀五年請臣高宗永徽時以其地為康居都督
府即授其王拂呼纓為都督○安治阿溫謐城東
安治喝汗城亦曰雙斤顯慶時以阿溫為安息州

即以其王昭武殺為刺史雙斤為木鹿州以其王
昭武閉息為刺史○石顯慶三年以瞰羯城為大
宛都督府授其王瞰吐屯攝舍提於屈昭穆都督
○米顯慶三年以其地為南謚州授其君昭武開拙
為刺史○何永徽時以其地為貴霜州授其君昭
武婆達地刺史○史顯慶時以其地為佉沙州授
其君昭武失阿喝刺史○寧遠顯慶三年以渴塞
城為休循州都督授阿了參刺史○吐火羅顯慶

中以其阿緩城為月氏都督府析小城為二十四
州授王阿史那都督○旻延顯慶三年以羅爛城
為焉鳳都督府縛時城為悉萬州授王葡萄焉鳳州
都督管內五州諸軍事○識匿開元十二年授王
布遮波資金吾衛大將軍天寶六載王跌失迦延
從討勃律戰死擢其子都督左武衛將軍給祿居
蕃○護密顯慶時以其地為焉飛州王沙鉢羅頡
利發為刺史○波斯龍朔初天子遣使者到西域

分置州縣以疾陵城為波斯都督府即拜畢路斯為都督咸亨中入朝授右武衛將軍

李衛公兵法太宗曰近契丹奚皆內屬置松漠饒樂二都督統于安北都護朕用薛萬徹何如靖曰萬徹不如阿史那社爾及執失思力契苾何力此皆蕃臣之知兵者也臣嘗與之言松漠饒樂山川道路蕃情逆順遠至於西域部落十數種厯厯可信臣教之以陳法無不點頭服義望陛下任之勿

疑若萬徹則勇而無謀難以獨任

程大昌北邊脩對貞觀初突厥已亡惟回紇與薛延陀為最雄強已而回紇攻薛延陀併有其地遣使獻功太宗為幸靈州次涇陽受其功乃以回紇部為瀚海部督多質葛部為燕然部督凡六部督天寶初回紇之臣裴羅襲破拔密自稱骨咄祿毗伽款可汗天子以為奉義王居突厥故地

樂史太平寰宇記屬賓國唐明慶三年列其城為

修鮮都督府龍朔初授其王修鮮等一十一州諸
軍事兼修鮮都督○康居國顯慶三年高宗遣果
毅董寄生列其所居城為康居都護府仍以其王
拂呼縵為都護萬歲通天元年則天封其大首領
篤娑鉢提為王鉢提尋卒又冊其子泥濕師師神
龍中泥濕卒國人又立突皆開元初累使貢獻鎖
子申水精珠越諾及侏儒人胡旋女子兼狗豹之
屬開元十九年其王烏勒上表請封其子咄曷為

曹國王默啜為米國王上許之至二十七年烏勒
卒遣使冊咄曷襲其父位至天寶中又封為欽化
王其母可敦封為郡夫人○曹國天寶元年其王
哥羅僕遣使朝貢三年詔下封其王為懷德王○
史國顯慶三年遣果毅董寄生列其所治為佉沙
州以其王昭武阿曷為刺史開元二十七年其王
延屯卒冊其子阿葱鉢為王○波斯國龍朔元年
其國王卑路斯奏云頻被大食侵擾請兵救援其

時詔遣隴南田縣令王名遠充使西域分置州縣
因列其地疾陵城為波斯都督府授卑路斯為都
督是後累遣使朝貢咸亨中卑路斯自來朝貢高
宗厚加恩異授右武衛將軍○吐火羅國高宗永
徽三年其葉護那使烏濕波奉表告立高宗遣置
州縣使王名遠到其國以所理阿緩大城為月氏
都督府各分其小城為二十四州以烏濕波為都
督王名遠請於吐火羅國立碑以記聖德帝從之

五年烏濕波遣子伊室達官孛朝龍朔元年授烏
濕波使持節月氏等二十五州諸軍事月氏都督
○石國顯慶三年列其地噉羈城為大宛都督府仍
以其王噉吐屯攝舍提於屈昭穆為都督開元初
其蕃王莫賀咄吐屯有功封石國王加特進尋又
冊為順義王二十九年其王伊捺吐屯屈勒上表
曰奴身千代已來忠赤於國只如突厥驕施可汗
赤忠之日部落安貼后背天可汗脚底火起今突

厥屬天可汗在於西頭為患唯有大食莫踰突厥
伏乞天恩不棄突厥部落打破大食諸國自然安
貼天寶初累遣使朝貢至五年封其王子那俱車
鼻施為懷化王并賜鐵券

謹案唐自太宗平突厥西北諸番及蠻夷稍稍
內屬即其部落建號設官版籍貢賦不上於戶
部聲教所暨皆邊州都督都護所領自漢以來
外蕃服屬此為最盛西域自魏晉以後頗通貢

獻然不過數國蠕蠕盛時則屬於蠕蠕突厥既
興多屬於突厥唐自突厥既平北庭帖然西域
亦皆平定高昌伊吾等既皆列為郡縣復開四
鎮置都護而史米何石吐火羅諸國漢時為康
居大夏條支及罽賓大秦地不屬都護者亦皆
通朝貢受爵命故史謂唐之疆域視漢盛時東
不及而西則過之也至安史之亂藉回紇以平
內難其可汗雖受唐封冊寔以驕倨非復藩臣

之禮渤海自開元後強大雖通朝貢而私立年號不稟正朔契丹則陰附回紇靺鞨則役屬渤海而吐蕃乘中國多故薦食西鄙安西陷沒四鎮皆失唐志所列为西北蕃夷羈縻之州大抵有其名而無其實茲故不詳述云

五季

宋史西域于闐列傳晉天福中其王李聖天自稱唐之宗屬遣使來貢高祖遣供奉官張鄴持節策

為大食于闐國王回鶻列傳後唐同光中嘗冊其
國王仁美為英義可汗仁美卒其弟仁裕立冊為
為順化可汗晉天福中又改為奉化可汗沙州列
傳沙州本漢燉煌故地唐末陷於西戎大中五年
張義潮以州歸順詔建沙州為歸義軍以義潮為
節度使朱梁時張氏之後絕州人推長史曹義金
為帥義金卒子元忠嗣周顯德二年來貢授本軍
節度檢校太尉同中書門下平章事鑄印賜之

馬端臨文獻通考回鶻五代之際有居甘州西州者嘗見中國而甘州回鶻數至梁乾化元年都督周易言等來史不見其長君名號梁拜易言等官爵遣還唐莊宗時王仁美遣使者來貢玉馬自稱權知可汗莊宗遣使冊為英義可汗天成二年權知國事王仁裕遣使來朝明宗冊為順化可汗晉高祖時又加冊命

冊府元龜後唐莊宗同光元年賜陰山府都督白

承福于中山北石門為柵號寧朔奉化兩府以都督為節度使○二年四月回鶻權知可汗仁美遣使來貢封為英義可汗○明宗天成三年二月命使冊回鶻權知可汗仁祕為順化可汗○末帝清泰元年七月癸丑檢校刑部尚書成州刺史慕容歸盈轉檢校尚書左僕射○晉高祖天福三年十月封于闐國王李聖天為大寶于闐國王○四年封回鶻可汗仁美為奉化可汗

謹案五代時中國土宇既狹喪亂相尋又契丹
既興東北諸國皆役屬之不復與於王會然自
唐大中時平河湟西陲清宴五代相去未遠承
其餘烈故于闐回鶻沙州等國尚能奉貢獻受
冊封也

宋

宋史西域于闐列傳嘉祐八年遣使羅撒溫獻方
物以其國王為特進歸忠保順砮鱗黑韓王回鶻

列傳大中祥符元年夜落訖寶物公主及沒孤公
主婆溫宰相各遣使來貢東封禮成以可汗王進
奉使姚進為寧遠將軍寶物公主進奉使曹進為
安化郎將天聖元年甘州夜落隔通順遣使阿葛
之王文貴來貢方物詔通順特封歸忠保順可汗
王大食列傳開寶元年遣使來朝貢四年又貢方
物以其使李訶末為懷化將軍熙寧六年都蕃首
保順郎將蒲陀婆離慈表令男麻勿奉貢物乞以

自代而求為將軍詔但授麻勿郎將沙州列傳沙
州曹元忠建隆三年加兼中書令子延恭為瓜州
防禦使元忠卒子延祿遣人來貢授延祿本軍節
度弟延晟為瓜州刺史延瑞為衙門都虞候咸平
四年封延祿為譙郡王五年延祿延瑞為從子宗
壽所害宗壽權知留後而以其弟宗允權知瓜州
表求旌節乃授宗壽節度使宗允檢校尚書左僕
射知瓜州宗壽賢順為衙內都指揮使大中祥符

宋宗壽卒授賢順本軍節度使廷惠檢校刑部尚書知爪州

謹案宋承五代之後混一海內而契丹雄峙北方夏人崛強西陲東北諸部既皆服屬於遼而西域亦與中國隔絕其受朝命者惟党項吐蕃于闐回鶻大食沙州等國而已党項吐蕃別見土司表中回鶻強盛時盡得古匈奴地至唐武宣後衰亂部落離散五代及宋時通中國者特

其諸部之居甘涼西鄙者非復唐時之舊且其
受中國冊命亦皆仍其可汗之號第如漢匈奴
呼韓邪隋突厥啟民之比而大食在宋時亦但
爵其使人其國王未嘗受職故今於五代之回
鶻宋時之回鶻大食但附載其入貢受封之事
而不以著於表又宋時西夏嘗受封爵然西夏
雖出於党項而在唐末及五代實為中國之藩
鎮未可待以純夷而自元昊以後帝制自為又

與中國抗衡尤未可以外藩例之今並不載云

遼

遼史百官志遼制屬國屬部官大者擬王封小者
准部使命其酋長與契丹人分別而用恩威兼制
得柔遠之道○屬國職名總目某國大王某國裕

悅官名原作于越
今據字面改正

某國左相某國右相某國特哩

袞蒙古語頭也原
作惕隱今改正

亦曰司徒某國太師某國太保

某國司空○某國某部節度使司某國某部節度

使某國某部節度副使○某國詳袞

官名原作詳
穩今據字面

改正司某國詳袞某國都監某國將軍某國小將軍

○大部職名並同屬國○諸部職名並同部族

金史世紀昭祖稍以法度為治遼以特哩袞官之

○五國佛寧

滿洲語寧也原
作蒲聶今改正

部節度巴哩美

蒙古
語執

也原作拔乙
門今改正

叛遼景祖襲而擒之獻於遼主遼主

以為生女直部族節度使遼人呼節度使為太師

金人稱太師者自此始

謹案遼時屬國大者曰某國授以大王及裕悅
以下等官小者曰某部授以節度使以下等官
至西夏雖嘗授封遼史厠諸屬國之列然實自
帝一方今亦不以列於表云

金

元聖武親征記金遣丞相完顏襄帥兵追叛者北

走上因起兵自鄂諾

蒙古語黃羊也原作幹難今改正

河迎討金

主授帝察罕圖魯

猶華言招討使也○蒙古語察罕白色也圖魯頭目也原作察

元充魯
今改正

並冊圖烈

蒙古語曉榮也原
作脫烈今改正

部長托和蒙

語半大堪達漢也
原作脫黑今改正

為王

謹案金時外藩設官不見於史觀此則當時漠
北諸部皆受封爵矣

元未置

謹案元起北方有天下以嶺北為和寧路龍岡
為上都路而諸王分地亦基布其間漠南漠北
並無他族雜處又自太祖盡平西域悉以封諸

王駙馬亦與今之外藩王公迥異而青海之地
為貴德州及土蕃朶甘思等處皆屬於吐蕃宣
慰司蓋唐時突厥回紇吐谷渾西域羈縻等州
皆為天子宗親之所鎮守國家官司之所統治
版籍隸於司徒賦稅等於內地不可以外藩例
之矣

明

明史外國韃靼列傳永樂二年阿魯岱

蒙古語阿
魯山陰也

低有也原作阿魯台今改正

奏瑪哈穆特蒙古語五行之行也原作馬哈木今改正

等弑其主願輸誠內附請為故主復仇天子義之

封為和寧王自是歲一貢或二貢以為常○諡達

滿洲語伙伴也原作俺答今改正

有孫曰巴罕納古爾

蒙古語巴罕小也納

古爾池也原作把漢那答今改正

率其屬阿爾噶

滿洲語術也原作阿力哥今改

正等來降大同巡撫方逢時受之以告總督王崇

古詔授巴罕指揮使阿爾噶正千戶諡達方西掠

土蕃聞之亟引還約諸部入犯崇古遣譯者鮑崇

德往言朝廷待巴罕甚厚第能縛送板升諸叛人
趙全等旦送至巴罕即夕返矣諳達大喜發使與
崇德來乞封且請輸馬與中國鐵鍋布帛互市隨
執趙全李自馨等數人來獻崇古乃以帝命遣巴
罕歸諳達得孫大喜上表謝詔封諳達為順義王

○瓦剌列傳瓦剌在韃靼西元亡其強臣孟克特

穆爾

蒙古語孟克經常之常也特穆爾
鐵也原作猛克帖木兒今改正

據之死衆

分為三其渠曰瑪哈穆特曰太平曰巴圖博囉

蒙古

語巴圖堅固也博囉青色也原作把禿孛羅今改正

永樂六年瑪哈穆特等

遣阿南達達實

阿南達蒙古語佛名也達實唐古特語吉祥也原作暖答失今改正

等來朝貢馬仍請封明年夏封瑪哈穆特為特進

金紫光祿大夫順寧王太平為特進金紫光祿大

夫賢義王巴圖博囉為特進金紫光祿大夫安樂

王賜印誥

○額森蒙古語平安也原作也先今改正

諸子哈喇哈

達

蒙古語哈喇黑色也哈達山舉也原作火兒忽答今改正

等徙居剛剛

滿洲語雁

鳴也原作干趕今改正

河弟巴圖

蒙古語解見前原作伯都今改正

王姪烏

爾古訥

蒙古語滋生也原作几忽訥今改正

等往依哈密巴圖王英

宗三年哈密為請封詔授巴圖王都督僉事烏爾

古訥指揮僉事

謹案明時漠南漠北皆為蒙古之地自成祖時
有和寧順寧賢義安樂四王之封然其後屢為
邊患雖嘗列置衛所設都督都指揮等官亦徒
存其名耳至諳達以孫故納款始受朝廷封爵
於是邊境稍靖而明運亦將季矣我

朝德威懷畏鱗集仰流自

興京肇建之前科爾沁貝勒明安即遣使通好自
後蒙古諸部落向風內屬朝貢不絕今具載於
篇至我

皇上綏輯遠人準部回部以次底定玉關以西二萬
餘里置吏耕屯徧設郡縣具詳具載新疆各官
篇茲不復綴由今朔古無外之模迥非前代所
可及也

欽定四庫全書

卷七十一

欽定歷代職官表卷七十一

欽定四庫全書

欽定歷代職官表卷七十二

土司各官表

土府知府以下等官																			

土州知州以下等官 土縣知縣以下等官

縣令

土縣知縣以下等官

土州知州以下等官

官長副官長

增
參
如

長
副
長
副
長
副

--	--	--	--	--	--	--	--

土司各官

國朝官制

甘肅土指揮使八人

正三品

指揮同知七人

從三品

指揮僉

事八人

正四品

土千戶九人 正千戶一人

正五品

副千戶二

人

從五品

土百戶九人

正六品

青海千戶一人 百戶二十四

人 百長二十六人 ○ 西藏百戶十六人 百長十人

甘肅土指揮使河州衛一人 狄道州一人 平番縣

三人 西寧縣三人 指揮同知河州衛一人 平番縣

一人西寧縣一人碾伯縣四人指揮僉事平番縣
一人西寧縣二人碾伯縣三人洮州廳二人土千
戶河州保安撒喇四房一人保安撒喇族五一人
平番縣一人武威縣一人永昌縣一人古浪縣一
人碾伯縣一人大通縣一人正千戶平番縣一人
副千戶平番縣一人洮州廳一人土百戶河州
藏一人平番縣二人碾伯縣二人岷州四人青海
奇可巴彥南稱族千戶一人阿里克族百戶二人

格爾吉族百戶三人蒙果爾津族邕希葉布族百
戶各一人玉樹族百戶四人蘇魯克族尼牙木錯
族庫固察族稱多族百戶各一人札武族百戶二
人下札武族下阿拉克沙族上隆壩族下隆壩族
蘇爾莽族多倫尼拉克安都族百戶各一人葉爾
吉族阿薩克族列玉族阿永族拉爾吉族丹巴族
巴彥南稱界綽庫爾族桑博爾族隆東族百長各
一人洞巴族百長三人上隆壩族百長一人下隆

壩族百長三人阿拉克碩族百長四人附住玉樹
界內噶爾布族附住札武界內班石族白利族哈
爾受族吹冷多爾族巴彥南稱界內拉布庫克百
長各一人西藏納克書貢巴族納克書色爾查族
納克書畢魯族納克書奔頻族納克書拉克什族
納克書達格魯克族勒納夥爾族印布納克魯族
夥爾族百戶各一人印布噶魯族印布色爾查族
百戶各二人格魯克族上崗噶魯族夥爾遜提嘛

爾族百戶各一人白臘崗札嘛爾族撲錯族三查
族三納拉巴族上阿查克族下阿查克族上多爾
樹族下多爾樹族夥爾彭他嘛族夥爾拉塞族百
長各一人乾隆十三年覆準清理西寧玉樹納克
書等番子分界安插其千人以上之部落設千戶
一人百人以上之部落設百戶一人千戶之下設
百長五人或四人百戶之下設百長三人或四人
各給號紙凡土司各掌其所屬番夷軍民之政自

知府以下至典史為文職隸於吏部驗封司自宣
慰指揮使以下至千戶百戶為武職隸於兵部武
選司而各省文武大員統轄焉各以其土之所有
為貢或三年一貢或五年一貢其承襲按其支派
宗圖定其當襲者不容混冒順治初定土司承襲
由督撫具題將該土司宗圖親供司府州鄰印信
甘結及舊勅印號紙送部親身赴京兵部查驗明
確方准承襲康熙十一年題准土司襲職子弟年

滿十五歲方許承襲未滿十五歲者督撫報部將
土司印信事務令本族土舍護理俟年滿督撫題
請承襲又題准土官襲職傳其親身赴京取具地
方官保結並宗圖呈報該督撫保送到日許其承
襲雍正三年覆准各處土司文武官員嫡長子孫
承襲本職其支庶子弟有馴謹能辦事者俱許本
職土官詳報督撫具題請

旨酌量給與職銜令其分掌地方事務其所授職視土

官各降二等如文職土官係知府則所分者給通判職銜係通判則所分者給縣丞銜武職係指揮使則所分者給指揮僉事銜本土官係指揮僉事則所分者給與正千戶銜四年覆准土司土目有隨師効力應行議敘之員止就原土職加銜如宣慰使司宣撫使司安撫使司則有各司使副使同知僉事等員招討司則有招討使副招討使長官司則有長官副長官等銜指揮司則有指揮使同

知僉事正千戶副千戶百戶等銜均照原官品級
以次陞授遞加至宣慰使指揮使而止如有餘功
准其隨帶仍令以本土職管事及襲替時亦以原

職承襲

各員額國初以來隨時置設亦時有
裁改今以現在部冊為定各省並同

四川土通判二人土知事一人土巡檢二人土副巡檢
一人宣慰使五人副使一人宣撫使五人副使三人安
撫使二十人副使三人長官三十有七人副長官三人
千戶四十人土千總二人土百戶一百六十有三人

四川龍安府土通判一人土知事一人石碓土通判一人水草坪牟托土巡檢各一人竹木坎土副巡檢一人軍民宣慰使司一曰明正長河西魚通寧遠宣慰使一人宣慰使司五曰董卜韓胡曰布拉克底曰巴旺曰梭磨各宣慰使一人曰德爾格忒宣慰使副使各一人宣撫使司五曰邛部曰沙罵曰綽斯甲並宣撫使一人曰裏塘宣撫使一人副使二人曰巴塘宣撫使一人副使一人安撫司

二十曰長寧曰加渴瓦寺曰沃曰瓜別曰木裏
曰單東革什咱曰巴底曰瓦述餘科曰竹窩曰綽
倭曰霍耳綽倭曰霍耳章谷曰霍耳孔撒曰霍耳
甘孜磨書曰霍耳咱護曰霍耳林蔥曰上納奪各
安撫司一人曰喇滾曰下瞻對曰春科各安撫使
一人副使一人長官司三十有七曰阿都長官一
人副長官一人曰靜州曰隴木曰岳希曰實大關
曰松岡曰卓克塞曰黨壩曰威龍州曰普濟州曰

昌州曰沈邊曰冷邊曰瓦述崇喜曰瓦述毛了曰
瓦述曲登曰瓦述色他曰瓦述更平曰霍耳納林
沖曰霍耳白利曰霍耳東科曰春科高日曰上瞻
對曰蒙葛結曰中瞻對茹色曰泥溪曰平茶洞曰
平夷曰蠻夷曰沐川曰九姓曰河東曰嘉克杜時
述曰石耶尙曰邑梅各長官一人曰地壩曰馬喇
各副長官一人曰咱哩曰松坪曰雙則紅凹寨曰
班佑寨曰川柘寨曰余灣寨曰祈命寨曰寒盼寨

曰商巴寨曰谷爾壩那浪寨曰竹當寨曰包子寺
寨曰甲多寨曰墨蒼寨曰阿强寨曰呷竹寺曰丟
谷寨曰雲昌寺曰沙壩曰阿思洞寨曰我眉喜寨
曰七布寨曰毛革阿按寨曰麥雜余灣寨曰松林
地曰暖帶密曰暖帶田壩曰酥州曰黎溪州曰迷
易所曰鹽井衛中所曰左所曰右所曰古柏樹曰
瓦述寫達曰瞻對峪納曰上納奪曰中郭羅克押
落寨曰中阿樹曰上瞻對撒敦土千戶各一人曰

河西曰雷波千萬貫土千總各一人曰沙卡阿業
曰木噶媽寺猛呷阿他曰瓦七立曰惡落曰白桑
曰惡熱曰上八義曰下八義曰沙悞石曰作蘇策
曰八哩籠壩曰上渡噶喇佳寨曰中渡亞出卡曰
他咳曰索窩籠巴曰惡拉曰八烏籠曰拉里曰姆
朱曰樂壤曰上渣壩惡疊曰上渣壩卓泥曰中渣
壩熱錯曰中渣壩業窪石曰中渣壩沱曰下渣壩
莫藏石曰扒桑曰木輓曰格窪卡巴曰呷那工弄

曰吉增卡桑阿籠曰魯密東谷曰普共磔曰郭宗
曰結藏曰初把曰祖卜柏哈曰昌拉曰堅貞曰達
媽曰格桑曰本滾曰長結杵尖曰長結松歸曰白
隅曰梭布曰達則曰卓籠曰窪黑曰阿招曰膩乃
窠曰旁阿孤曰明州樂曰油石洞它希曰大羊腸
曰幹田壩曰麻柳壩曰輸沃曰冷紀曰阿細柘弄
寨曰巴細蛇任壩寨曰上作革寨曰合壩獨雜寨
曰轄慢寨曰下作革寨曰物藏寨曰熱當寨曰磨

下寨曰甲凹寨曰阿革寨曰郎情安出寨曰下泥
巴曰熱霧曰拈佑曰疊溪閭外曰沙壩曰大姓黑
水曰小姓黑水曰疊溪閭內小姓曰松坪曰料林
坪曰野猪塘曰白石村曰前後山曰六翁曰老鴉
漩曰阿得橋曰白路曰虛郎曰苗出曰大村曰糯
白瓦曰窩卜曰迤東大鹽井曰熱即哇曰中村曰
架州曰三大支曰河西地曰繼事田曰長村曰大
石頭曰者保曰紅卜苴曰普隆曰披沙曰鹽井衛

前所曰後所曰上撒路曰中撒路曰下撒路曰崇
路各謨寨曰作路生納寨曰上勒四曰下勒四曰
瓦述更平曰瓦述墨科曰霍爾孔撒科則曰蘇述
曰霍耳圖根滿牒曰籠壩曰雜谷馬竹卡曰瓦述
色他曰上郭羅克曰下郭羅克曰上阿樹曰下阿
樹曰小阿樹曰鵲箇寨曰雲多曰儀蓋曰麻林曰
瓦述毛茂了曰上臨卡石曰下臨卡石曰岡裏曰
桑隆曰上蘇阿曰下蘇阿曰郭布曰桑阿籠百戶

各一人曰三舍羊峒曰瓦述更平東撒曰雜竹卡
曰東署曰革賁曰下革賁曰黎州大田百戶各二
人曰上納奪黎窩百戶三人曰上革齋百戶四人
廣西土知州二十六人土州同一人土州判一人土知
縣四人土巡檢十二人長官二人副長官一人

廣西土州知州二十六人曰南丹州那地州田州
歸德州果化州忠州萬承州全茗州憑祥州下石
西州太平州安平州茗盈州結安州侏倫州龍英

州都結州鎮遠州江州思州上下凍州下雷州上
映州思陵州向武州都康州土州同一人曰上蘭
州土州判一人曰陽萬州土知縣四人曰忻城曰
羅陽曰羅白曰上林土巡檢十二人曰上龍司曰
湖潤寨曰白山司曰興隆司曰那馬司曰定羅司
曰舊城司曰下旺司曰安定司曰都陽司曰古雲
司曰遷隆峒長官司二曰永順長官一人副長官
一人曰永定長官一人

雲南土知府四人土同知一人土通判二人土知事一人土經歷一人土知州四人土州同四人土州判二人土縣丞五人土主簿二人土巡檢十有九人土典史一人土驛丞三人宣慰使一人指揮使二人宣撫使五人副宣撫使二人安撫使三人長官三人副長官三人土守備四人土千總二十有八人土把總五十有五人

雲南土府知府四人曰景東府曰永寧府曰蒙化府曰孟定府土同知一人曰廣南府土通判二人

曰麗江府曰鶴慶府土知事一人曰景東府土經
歷一人曰開化府土州知州四人曰富州曰北勝
州曰灣甸州曰鎮康州土州同四人曰姚州曰順
州曰北勝州曰鎮南州土州判二人曰新興州曰
鎮南州土縣丞五人曰雲南曰平彝曰新平曰南
澗曰楚雄土主簿二人曰雲南曰定遠土巡檢十
九人曰練象關曰南平關曰定西嶺曰青索鼻曰
鳳羽鄉曰上江觜曰下江觜曰箭杆場曰蒲陀崆

曰納更山曰三岔河曰保甸曰猛麻曰猛猛曰觀
音山曰鎮南關曰阿雄關曰回蹬關曰沙矣舊土
典史一人曰浪穹土驛丞三人曰板橋驛曰在城
驛曰觀音山軍民宣慰使司宣慰使一人曰車里
指揮使二人曰整欠曰孟銀宣撫使司宣撫使五
人曰干崖曰隴川曰南甸曰耿馬曰孟連副宣撫
使二人曰盞達曰遮放安撫使司安撫使三人曰
潞江曰猛卯曰芒市長官司長官二人曰戶撒曰

腊撒副長官三人曰十二關曰那樓茶甸曰虧容
甸土守備四人曰儒林等里一人麗江府一人迭
巴二人土千總二十八人曰儒林等里曰永豐等
里曰斗門磨沙曰喇博曰猛遮曰普藤曰檜溪阿
興曰六庫曰老窩曰江邊曰格咱曰泥西曰魯掌
登埂曰鎮遠各一人曰寶寧縣曰麗江府曰神翁
曰奔子欄曰阿墩子各二人曰元江府四人土把
總五十五人曰納更司曰寶寧縣曰永豐等里曰

定南等里曰岩旺曰他旦曰老是達曰猗邦茶山
曰猛腊曰易武曰猛阿曰猛籠曰打羅曰猛海曰
猛混曰頂針曰猛旺曰整董曰猛烏曰耿馬曰洗
馬溪曰槽潤曰臨城曰瀾滄江曰其宗喇普曰奔
子瀾曰阿墩子曰次竹曰古勇曰明光關曰鎮遠
曰橄欖壩曰烏得各一人曰六困曰大塘關曰威
遠各二人曰迭賓十六人

貴州土同知二人土通判一人土推官一人土吏目一

人土縣丞五人土主簿二人土巡檢二人長官司長官
六十六人副長官二十一人

貴州鎮遠府土同知土通判土推官各一人獨山
司土同知一人重安司土吏目一人安化縣土縣
丞土主簿土巡檢各一人餘慶縣土縣丞土主簿
各一人印江縣甕水司草塘司土縣丞各一人盤
江司土巡檢一人長官司六十五曰爛土曰麻嚮
曰豐寧上曰豐寧下曰上馬橋曰方番曰卧龍番

曰小龍番曰金石曰大龍番曰程番曰小程番曰
羅番曰韋番曰養龍曰大平伐曰小平伐曰新添
曰沙營曰施溪曰邦水曰樂平曰平定曰楊義曰
八舟曰中林驗洞曰古州曰新化曰亮寨曰頂營
曰蠻夷曰募役曰虎墜曰大谷龍曰小谷龍曰羊
場曰平伐曰岩門曰宣化曰龍里長官各一人曰
盧番曰都平曰都素曰黃道溪長官各二人曰木
爪曰底寨曰白納曰都勻曰歐陽曰湖耳曰省溪

曰烏羅曰邛水十有五洞蠻夷曰提溪曰沿河佑
溪曰朗溪曰潭溪曰洪州泊裏曰乖西曰平頭著
可各長官一人副長官一人曰偏橋長官一人左
右副長官二人曰石阡曰新西堡曰康佐副長官
各一人思南府隨府屬辦事長官一人

歷代建置

謹案三代之時嶺嶠未開而禹貢梁州之域遠
界黑水周師伐商庸蜀八國與環甲冑但設官

之法其詳已不可聞漢時開蠻夷置官吏而王侯君長率因其故號授之則後世土官昉此矣晉宋梁陳北魏往往有蠻夷刺史唐時羈縻州有都督府有州有縣宋亦有羈縻州縣自都督以下官皆即以番夷酋長為之元時蠻夷之地有宣慰司都元帥府有宣慰司軍民萬戶府有宣慰司兼管軍萬戶府有宣撫司有安撫司有招討司有軍民總管府有軍民府有散府有州

有縣有長官司萬戶府千戶所百戶所自宣慰
司都元帥府宣慰使以下雖亦叅用流官然以
番夷酋長為之者實多明因元制而損益之於
是有土官之稱我

朝幅員無外聲教遐訖往昔蠻荒之地莫不隸版
籍於司徒輸琛賫於外府

國初因前代舊制設立土官蓋以諸夷土俗不同
而土官世為之長習於其風土人情此先王修

其教不變其俗齊其政不易其宜之意也其後諸夷向化日多增置益廣其或土官以貪暴褫秩以跳梁干誅亦或有願為

王民納土辭職因而改設流官者亦復不少蓋我

朝土官之設雖沿明制然明時綱紀不振諸土官

或魚肉苗民或弁髦王法朝廷姑息成風多置

之度外與唐宋羈縻之州無異今各土官畏威

懷德奉法維謹自金川蕩平以來安屯置戍永

為樂土又定諸土司輪年入

觀之制而優其章服以示懷來此豈前代所可及哉
三代

胡渭禹貢錐指武王伐紂誓于牧野諸侯會師者
稱之曰友邦冢君而庸蜀羌髳微盧彭濮八國則
稱之曰人不以諸侯待之傳曰八國蠻夷戎狄屬
文王者正義曰此皆西南夷也通典曰梁州當夏
殷之間為蠻夷之國所謂巴賁彭濮之人由是觀

之殷周之世禹貢梁州之山川無一入職方者大抵如唐宋之羈縻州元明以來之土司簡其政令寬其賦歛以馴擾之使為不侵不叛之人而已故終殷周之世梁州不復置也

秦

樊綽蠻書秦惠王并巴蜀以巴夷為蠻夷君尚女漢

後漢書南蠻列傳長沙武陵蠻秦昭王使白起伐

楚畧取蠻夷始置黔中郡漢興改為武陵歲令大人輸布一疋小口二丈是為賓布○巴郡南郡蠻

秦惠王并巴中以巴氏為蠻夷君長世尚秦女其

民爵比不更

劉歆曰巴氏之君可有爵耳民何故輒有之明衍民字

有罪得

以爵除其君長歲出賦二千一十六錢三歲一出

義賦八百錢其民戶出帛布八丈二尺雞羽三十

錢漢興南郡太守靳疆請一依秦故事○板楯蠻

夷高祖為漢王發夷人還伐三秦秦地既定乃遣

還巴中復其渠帥羅朴督鄂度夕龔七姓不輸租
賦餘戶乃歲入實錢口四十

漢書西南夷列傳建元六年使番禺令唐蒙風曉
南粵蒙上書說上通夜郎道為置吏上許之乃拜
蒙呂中郎將將千人食重萬餘人從巴苻關入見
夜郎侯多同諭以威德約為置吏使其子為令夜
郎旁小邑皆貪漢繒帛聽蒙約還報迺呂為犍為
郡發巴蜀卒治道自犍道指牂柯江蜀人司馬相

如亦言西夷邛笮可置郡使相如呂中郎將往諭
皆如南夷為置一郡尉十餘縣屬蜀○平南夷為
牂柯郡冉駹皆震恐請臣置吏呂邛都為越巂郡
笮都為沈黎郡冉駹為文山郡廣漢西白馬為武
都郡○滇舉國降請置吏入朝於是呂為益州郡
後漢書百官志四夷國王率眾王歸義侯邑君邑
長皆有丞比郡縣

後漢書南蠻西南夷列傳哀牢夷建武二十七年

王賢栗等詣越舊太守鄭鴻降請內屬光武以賢
栗等為君長自是歲來朝○平都夷王莽時郡守
枚根調邛人長貴為軍候建武十四年長貴遣使
上三年計天子即授越舊太守印綬○永初二年
青衣道夷邑長令田與徼外三種夷舉土內屬安
帝增令田爵號為奉邑君

魏書氏列傳氏者西夷之別種號曰白馬漢武帝
遣中郎將郭昌衛廣滅之以其地為武都郡

謹案秦漢時開蠻夷皆因其君長以治之而漢
為置太守都尉以統領之徵其賦稅平其爭亂
此即後世土司之所自起也青衣道屬蜀郡而
別有夷邑長此即後世流官土官叅治之法也
徵實布出義錢此即後世土司納貢之法也漢
高帝用板楯蠻平三夷後漢熹平時發板楯蠻
擊平西南諸夷此即後世調土兵征討之法也
長貴為越舊太守此即後世土府土州之制也

三國

三國蜀志馬良列傳先主東征遣良入武陵招納
五溪蠻夷蠻夷渠帥皆受印號咸如意指

三國蜀志諸葛亮列傳注漢晉春秋曰亮至南中
所在戰捷孟獲者為夷漢所服募生致之既得縱
使更戰七縱七擒而亮猶遣獲獲止不去曰公天
威也南人不復反矣遂至滇池南中平皆即其渠
帥而用之

常璩華陽國志移南中勁卒青羌萬餘家於蜀為
五部所當無前號為飛軍分其羸弱配大姓焦雍
爨孟量毛李為部曲置五部都尉號五子故南人
言四姓五子也以夷多剛狠不賓大姓富豪乃勸
令出金帛聘策惡夷為家部曲得多者奕世襲官
于是夷人貪貨物以漸服于漢成夷漢部曲亮收
其俊傑建寧爨習朱提孟琰及獲為官屬習官至
領軍琰輔漢將軍獲御史中丞

謹案蜀漢時諸葛亮平南中皆即其渠帥而用之又先主時五陵蠻夷受印號正今土司頒給勅印號紙所自始也

晉

四川通志晉用興古爨深作本郡太守

華陽國志武都氏王楊茂搜奉貢稱臣

宋書氏胡列傳畧陽清水氏楊毅稱藩于晉以毅為征南將軍三年毅族兄初襲殺毅並有其衆穆

帝以初為使持節征南將軍雍州刺史平羗校尉
仇池公初子國為鎮東將軍武都太守

謹案晉武帝置南蠻校尉於襄陽西戎校尉於
雍州南夷校尉於寧州江左改置南蠻校尉於
江陵及安帝又置寧蠻校尉於襄陽皆所以統
領羗蠻晉初氐叟有侯王見於李特載記雖永
嘉後氐羗少與王會然畧陽楊氏恒受封爵蜀
自永康後為李氏割據而寧州尚為晉土蜀亦

至永和復平西南夷君長必多有授王官者而
史文不著至南蠻寧蠻二校尉所領為荆湘雍
郢司諸州之蠻自晉以後南朝宋齊及梁北朝
魏周諸蠻酋往往授刺史太守云

宋齊梁陳

南史夷貊列傳武興國本仇池楊難當自立為秦
王宋文帝遣裴方明討之難當奔魏其兄子文德
又聚衆葭蘆宋因授以爵位○齊永明中魏南涼

州刺史仇池公楊靈珍歸齊齊武帝以為北梁州
刺史仇池公○荊雍州蠻盤瓠之後也種落布在
諸郡宋時因晉於荊州置南蠻雍州置寧蠻校尉
以領之孝武初罷南蠻併大府而寧蠻如故蠻之
附順者一戶輸穀數斛其餘無雜調○豫州蠻廩
君後也明帝初即位四方反判及南賦敗于鵲尾
西陽蠻田益之田義之田光興等起義攻郢州克
之以益之為輔國將軍都統四山軍事又以蠻戶

立宋安光城二郡以義之為宋安太守光興為光
城太守

南齊書蠻列傳蠻種類繁多言語不一咸依山谷
布荆湘雍郢司五州界宋世封西陽蠻梅蟲生為
高山侯田治生為威山侯梅加羊為扞山侯太祖
即位有司奏蠻封應在解例詔特留以治生為輔
國將軍虎賁中郎轉建寧郡太守將軍侯如故永
明六年除督護北遂安左郡太守田駟路為試守

北遂安左郡太守前寧朔將軍田驢王為試守新平左郡太守皆郢州蠻也

唐書南蠻列傳南平獠有甯氏世為南平渠師陳末以其帥猛力為寧趙太守

冊府元龜宋高祖永初三年封仇池公楊威為武都王○文帝元嘉二年十一月以武都王世子楊元為秦州刺史襲封武都王○七年以仇池氏冠軍將軍楊難當為北秦州刺史封武都王○明帝

秦始四年五月以仇池氐寧朔將軍武都王楊文
度為北秦州刺史○順帝昇明元年十二月寧朔
將軍北秦州刺史武都王楊文度進號征西將軍
○二年六月以輔國將軍楊文宏為北秦州刺史
封武都王○南齊太祖建元二年以氐楊後起為
秦州刺史○武帝永平元年又進秦州刺史楊後
起號冠軍將軍○四年楊後起卒詔以輔國將軍
北秦州刺史武都王楊集始為持節輔國將軍北

秦州刺史平羌校尉武都王○明帝建武二年七月以氐楊馥之為北秦州刺史仇池公

謹案南史載南蠻事於宋齊以後不詳以北史及魏書考之齊有直閣將軍田益宗梁有沔東太守田清喜永寧太守文雲生龍驤將軍樊石廉義州刺史文僧明鐵騎將軍邊城太守田官德定州刺史田超秀若西南夷則惟陳時猛力為寧趙太守見於唐書而他亦無聞焉蓋由紀

載之畧耳

北魏

魏書蠻列傳泰常八年蠻王梅安率渠帥數千朝
京師求留質子以表忠款始光中拜安侍子豹為
安遠將軍江州刺史興光中蠻王文武龍請降詔
拜南雍州刺史延興中大陽蠻酋桓誕遣使內屬
高祖嘉之拜誕征南將軍東荊州刺史聽自選郡
縣獠列傳宣武後朝廷以梁益二州控攝險遠乃

立巴州以統諸獠後以巴苒嚴始欣為刺史又立隆城鎮所綰獠二十萬戶彼謂北獠歲輸租布又與外人交通貿易巴州生獠並皆不順其諸頭王每於時節謁見刺史而已

冊府元龜西魏恭帝二年蠻酋宜人王母田興彥款附以為開府儀同三司

北齊

未置

後周

周書異域列傳大統五年蔡陽蠻王魯超明內屬
以為南雍州刺史仍世襲焉十一年蠻酋梅勒特
來貢其方物其後蠻帥杜清和自稱巴州刺史以
州入附朝廷因其所稱而受之氏列傳楊法深與
其種人楊崇集楊陳佺各擁其衆遞相攻討趙昶
時督成武沙三州諸軍事成州刺史遣使和解之
法深等從命乃分其部落更置他郡以處之
馬端臨文獻通考黔州古蠻夷之國通謂之五溪

後周武帝時蠻帥以其地歸附遂置奉州後改為
黔州

隋

隋書史萬歲列傳南寧夷蠻翫來降拜昆州刺史
唐書南蠻列傳西蠻白蠻隋開皇中遣使朝貢命
韋世冲以兵戍之置恭州協州昆州○南平渠帥
猛力死子長真襲刺史隋討林邑長真出兵攻其
後又率部落數千從征遼東煬帝召為鴻臚卿授

安撫大使遣還又以其族人甯宣為合浦太守

冊府元龜隋開皇五年党項拓拔寧叢等各率所部詣旭川內附授大將軍其部下各有差

唐

新唐書西域列傳党項漢西羌別種其地古析支也拓跋赤辭內附以其地為懿嵯麟可三十二州以松州為都督府擢赤辭西戎州都督貢職遂不絕又有白蘭羌吐蕃謂之丁零武德六年使者入

朝明年以其地為維恭二州永徽時特浪生羌卜
樓大首領凍就率衆來屬以其地為劔州白蘭春
桑及白狗羌天授中內附以其地為朝吳浮歸十
州上元二年歸順乾封歸義順化和寧和義保善
寧定羅定朝鳳凡十州部落納款丐節印詔可

唐書南蠻列傳兩爨蠻貞觀二十三年內屬以其
地為傍望覽邛求五州貞元中置都督府領羈縻
州十八○咸亨三年昆明十四姓率戶二萬內附

析其地為殷州總州放州以安輯之其後又置盤
麻等四十一州皆以首領為刺史西爨之南有東
謝蠻貞觀二年其酋元深入朝以地為應州即拜
元深刺史又有南謝首領謝疆亦來朝以其地為
莊州授疆刺史東謝西有西趙蠻貞觀中首領趙
箇摩率所部萬餘戶來附以其地為明州授箇摩
刺史松外蠻尚數十百部凡數十姓貞觀中松外
蠻叛左武候將軍梁建方進討諭降者七十餘部

戶十萬九千署首領蒙和為縣令二十二年西洱
河大首領楊同外東洱河大首領楊斂松外首領
蒙羽皆入朝受官秩黎州領羈縻奉上等州二十
六開元十七年又領羈縻夏梁卜貴等州三十一
雅州西有通吐蕃道三曰夏陽曰夔松曰始陽皆
諸蠻錯居凡部落四十六皆羈縻州也以首領襲
刺史

蠻書浪穹詔主豐時卒子羅鐸立羅鐸卒子鐸羅

望立為浪穹州刺史○蒙舍詔主邏盛炎開元初
卒其子盛邏皮立朝廷授特進臺登郡王知沙壺
州刺史長男閣羅鳳授特進兼揚瓜州刺史次男
成節度蒙舍州刺史次男崇江東刺史次男成進
雙祝州刺史初炎閣未有子養閣羅鳳為子閣羅
鳳復歸蒙畔故名承炎閣後亦不改天寶四載閣
羅鳳長男鳳伽異入朝宿衛授鴻臚少卿七載蒙
歸義卒

案唐書蒙歸義即皮
羅閣乃唐所賜名也閣羅鳳立朝廷冊襲

雲南王矣伽異大卿兼揚瓜州刺史○初爨歸王
為南寧州都督理石城歸王兄子崇道陰害歸王
雲南王歸義抗疏秦聞其子守偶遂代歸王為南
寧州都督○獨錦蠻烏蠻苗裔也在秦藏南去安
寧兩日程天寶中為歸州刺史○弄棟蠻則白蠻
苗裔也本姚州弄棟縣部落其地舊為褒州膏有
部落首領為刺史

武經總要保州雪山郡本維州定廉縣南至吐蕃

為夷落之極塞唐開元以來董氏世襲刺史霸州
靜戎郡唐天寶中招慰生羌置郡亦許世襲○烏
蠻姚州戎瀘州界唐武德後開拓山洞置四十八
州安輯夷獠迄今許世襲○羈縻州西南漢牂柯
郡地唐置費玘莊琰播郎牂夷等諸州今謂之黔
內者六羈縻者十皆以黔州控扼之其領郡者或
以土豪或補以牙職而一方恬然此本朝規制之
得也

樂史太平寰宇記黨項唐貞觀五年詔遣使開其河曲地為六十州內附者三十萬口有羌酋拓拔亦詞者世為渾主伏乞所暱與之結婚屢抗官軍后與其從孫子頭並率服與諸首領歸款列其地為懿嵯麟可等三十二州以松州為都督府羈縻存撫之拜亦詞為西戎州都督又有白狗春桑白蘭等諸羌自龍朔以後並為吐蕃所破而服屬焉在西北邊者天授三年內附凡二十萬口分其地

置朝吳浮歸等一十一州仍散拘靈下界內自至德以後常為吐蕃所誘密以官誥授之以為之偵導故時或侵叛尋亦底定寧至寶應初其首領來助國共靈州軍食優詔獎美其在涇龍州者後上元元年率其衆十餘萬人詣鳳翔節度使崔光遠乞降寶應元年十二月歸順州部落乾封州部落歸義州部落順化州部落和寧州部落和義州部落保善州部落寧定州部落羅雲州部落朝鳳州

部落並詣山南西道都防禦使梁州刺史臧希讓
請州印希讓奏聞制旨允許之

文獻通考松州廣德元年沒吐蕃其後松當悲靜
柘恭保具霸乾翼維等為行州以部落首領世為
刺史司馬

謹案唐開羌蠻置羈縻州縣即授其酋長為刺
史縣令即今土司之職也

五季

宋史外國列傳吐蕃唐末衰弱部族分散天成中
權知西涼府留後孫超遣大將拓跋承誨來貢即
授超涼州刺史充河西軍節度留後乾祐初超卒
州人推其土人折逋嘉施權知留後遣使來貢即
以嘉施代超為留後蠻夷列傳唐天成二年牂牁
清州刺史宋朝化等一百五十人來朝

宋

宋史外國列傳黨項五代嘗入貢建隆三年代州

刺史析也埋來朝雍熙二年七月賜宥州界咩兀
十族首領都指揮使遇也布等九人勅書以安撫
之淳化五年兀泥族首領黃羅內附以為懷化將
軍昭州刺史至道元年四月勒浪大首領馬尾等
內附以為歸德大將軍領息州刺史首領沒崖為
安化郎將副首領兀遇為保順郎將咸平二年五
月以咩通族開道使泥埋領費州刺史以勒浪族
大首領馬泥領本州團練使五年咩通族泥埋遣

子城逋入貢上嘉泥埋數與繼遷戰鬪有勞授錦
州團練使以其族弟屈子為懷化將軍充本族指
揮使城逋為歸德將軍充本族都巡檢使餘首領
署軍主以下名職者凡十數人六年三月環州酋
長蘇尚娘擊賊有勞以為臨州刺史七年涇原鈐
轄曹瑋請署熟羌百帳以上大首領為大族軍主
次指揮使又次副指揮使百帳而下為本族指揮使
從之○吐蕃咸平元年河西軍左廂副使歸德將

軍折逋遊龍鉢來朝獻馬二千匹詔以龍鉢為安
遠大將軍二年以儀州延蒙八部都首領渴哥領
化州刺史四年知鎮戎事李繼和言西涼州六合
都首領潘羅支願戮力討繼遷請授以刺史為鹽
州防禦使兼靈州四面都巡檢使又以龍鉢領宥
州刺史六族首領褚下箕等三人為懷化郎將○
唃廝囉大中祥符九年數使人至秦州求內屬明
道初即授廝囉寧遠大將軍受州團練使

宋史蠻夷列傳西南諸蠻夷重山複嶺雜厠荆楚
巴黔巫中隋置辰州唐置錦州樊州溪州巫州敘
州皆其地也唐季之亂蠻酋分據其地自署為刺
史馬希範據有湖南蠻獠保聚依山阻江殆十餘
萬太祖既下荆湖建隆四年知溪州彭元林前溪
州刺史田洪贊等列狀歸順詔以元林為溪州刺
史洪贊為萬州刺史乾德三年七月珍州刺史田
景千內附十二月詔溪州宜充五溪團練使刻印

以賜之北江蠻酋最大者曰彭氏有二十州皆置
刺史而以下溪州刺史兼都誓主十九州皆隸焉
謂之誓下州州將承襲都誓主率羣酋合議子孫
若弟姪親黨之當立者具州名移辰州為保證申
鈐轄司以聞乃賜勅告印符熙寧中南江之舒氏
北江之彭氏梅山之蘇氏誠州之楊氏相繼納土
創立城砦使之比內地為王民南江諸蠻自辰州
達于長沙邵陽各有溪峒曰敘曰峽曰中勝曰元

則舒氏居之曰樊曰錦曰懿曰晃則田氏居之曰
富曰鶴曰保順曰天賜曰古則向氏居之皆受朝
命○梅山峒蠻舊不與中國通其地東接潭南接
邵其西則辰其北則鼎澧熙寧五年詔招納之大
田諸蠻納款于是遂檄輸開梅山蠻徭爭闢道路
以待得其地置新化縣并二州隸邵州○誠徽州
唐溪峒州宋初楊氏居之號十洞首領以其族姓
散掌州峒太平興國四年首領楊蘊始來內附八

年楊通寶始入貢命為誠州刺史○南丹州蠻亦
溪峒之種開寶七年奉表求內附九年復來貢求
賜牌印詔刻以給之紹興二十四年廣西經畧安
撫使呂愿中諭降諸蠻三十一種得地二十七縣
一百三十五砦四十峒一百七十九及一鎮二十
二園皆為羈縻州縣○撫水州在宜州南有縣四
曰撫水曰京水曰多建曰古勞唐隸黔南其酋長
皆蒙姓大中祥符九年曹克明為宜融等州都巡

檢安撫使擊破之詔以撫水州為安化州撫水縣
為歸仁縣京水縣為長寧縣自是間歲朝貢不復
為邊患○環州蠻區氏州隸宜州羈縻領思恩都
毫二縣鎮寧州亦隸宜氏○西南諸夷漢牂柯郡
地宋初以來有龍蕃方蕃張蕃石蕃羅蕃者號五
姓蕃皆常奉職貢受爵命○南廣蠻在敘州慶符
縣以西為州十有四大觀三年有夷酋羅永順楊
光榮李世恭等各以其地內屬詔建滋純祥三州

後皆廢○威州保霸蠻者唐保霸二州也政和中
開拓置官吏以保州地為祺州霸州地為亨州後
皆為砦○茂州諸部落蠻自推一人為州將治其
衆而常詣茂州受約束政和五年以其地內屬詔
建壽寧建寧軍未幾皆廢○渝州蠻者唐南平獠
也大觀二年內屬詔建榛潘二州後皆廢○清水
蠻者羈縻五十州岡蠻也雜種夷獠散居溪谷中
慶厯初烏蠻王子得蓋居其地願得州名以長夷

落詔建姚州以得蓋為刺史鑄印賜之

武經總要烏蠻本朝慶厯中烏蠻王得蓋自言十年彈壓人不入漢界為過因乞州名符印即詔名姚州即雲南國之地也○咸平中轉運使丁謂招撫蠻人每有城諭並令歃血為盟置鐵柱以誌其事條制甚多蠻酋三十人悉補砦將○西高州舊名珍州蠻酋田氏世襲乾德中改今名○富州蠻酋向氏世襲刺史天禧初向通漢來朝官至五溪

十洞都防禦使

王偁東都事畧咸平四年西涼府六谷都首領潘
羅支願戮力討繼遷張齊賢請封羅支為六谷王
兼招討使真宗曰羅支已為酋帥欲授以刺史則
太輕况未領節制加以王爵非順也又招討使號
不可假外夷乃以為鹽州防禁使兼靈州西面都
巡檢○唃廝羅三子皆被恩命曰瞎躡曰磨躡曰
董躡為唃廝囉嗣瞎躡子瞎欺丁木征為瞎藥鷄

羅所誘據近塞青唐族立文法朝廷以為河州刺史熙寧中王韶經營熙河木征降賜姓名曰趙思忠授榮州團練使遷合州防禁使董氈遣使來以為河州刺史明年拜河西軍節度使封武威郡王以其養子阿里骨為肅州團練使董氈卒阿里骨為河西軍節度使西番邈川首領阿里骨卒子瞻征承襲國人迎董氈妹溪巴溫欲復其國姓巴溪溫之子隴拶稱王子朝廷以重兵臨之隴拶出降

徽宗即位以隴拶為河西軍節度使知府州折氏
世襲鄯州瞻征授懷遠軍節度使賜隴拶姓名曰
趙懷德建中靖國元年以懷德知湟州自鄯湟棄
羌人迎隴拶之弟溪賒羅撒復國授西平軍節度
使西番邈川首領

沈括夢溪筆談喃厮囉死子董璁立朝廷復授以
爵命

王圻續文獻通考初西番既衰其苗裔曰董璁其

子曰巴犂角始附宋賜姓趙改名忠順子永吉永吉子昌皆受宋官為左武大夫遙領來州防禦使襲把羊族長

文獻通考楊正巖以十洞稱誠徽二州宋熙寧九年十洞酋長楊通蘊送款內附楊通寶來貢朝廷以通寶為誠州刺史其子璵復為誠州刺史○思州宋初為羈縻州大觀元年蕃部長田祐恭願為王民始建州○徽宗時大駱解上下族帥駱世華

駱文貴獻其地立珍州○播州宋大觀二年南平
夷人楊有貴等獻其地建為州○夷州宋為羈縻
州大觀三年酋長獻其地建為承州

范成大桂海虞衡志儂智高反朝廷討平之因其
疆域參唐制分析其種落大者為州小者為縣又
小者為洞凡五十餘所推其長雄者首領有知州
權州監州知縣知洞皆命于安撫若監司給文帖
朱記其次有同發遣權發遣之屬謂之官典各命

於其州每州團又推一人為長謂之主戶餘民皆稱提陀猶言百姓也

謹案宋史所載蠻夷有黎峒有黎州諸蠻黎峒為今廣東瓊州之地現無土司而黎州諸蠻十二種在宋時或本未受朝命或但因其至中國朝貢而爵之未嘗設有定職亦與今土司不同今並不載云

遼未置

金未置

元

元史百官志宣慰司掌軍民之務分道以總郡縣
行省有政令則布于下郡縣有請則達於省有邊
郵軍旅之事則兼都元帥府其次則止為元帥府
其在遠服則又有招討安撫宣撫等使司秩如下
州達魯噶齊長官副長官叅用其土人為之

元史世祖本紀至元十四年閏月羅氏鬼國王阿

梓西南蕃王韋昌盛並內附詔阿梓昌盛各為其
地安撫使佩虎符二十七年九月金竹府知府掃
閭貢馬及雨糧具言金竹府雖內附蠻民多未服
近與趙堅招降三十餘寨乞立縣設長官總把參
用土人從之二十九年以行播州軍民宣撫使楊
漢英為紹慶珍州南平等處沿邊宣慰使行播州
軍民宣撫使播州等處管軍萬戶府仍佩虎符成
宗本紀元貞二年十一月以蠻洞將領彭安國父

子討田知州有功賜安國金符子為蠻夷官大德
元年六月平伐九寨來降立長官司武宗本紀至
大三年四川行省紹慶路所隸蠻田墨施什用來
降立黃沙寨以田墨施什用為千戶雲南威楚路
之蒲蠻猛吾來朝貢願入銀為歲賦詔為置散府
一及土司三十三所皆賜金銀符順帝本紀元紀
二年四川大盤洞蠻謀谷什用遣其男謀者什用
來貢方物即其地立盤順府命謀谷什用為知府

謹案明時土官曰宣慰司曰宣撫司曰安撫司
曰招討司曰長官司皆沿元時之制也然元時
宣慰使內地邊地皆設之其設于邊陲者則曰
宣慰司都元帥府或曰宣慰司兼管軍萬戶府
與宣撫安撫招討使長官皆參用流官土官而
百官志無明文今兼採元史本紀中設立土官
之事可與志相證者以見一代之制焉

明

明史職官志土官宣慰司宣慰使一人

從三品

同知

一人

正四品

副使一人

從四品

僉事一人

正五品

經歷司

經歷一人

從七品

都事一人

正八品

○宣撫司宣撫使

一人

從四品

同知一人

正五品

副使一人

從五品

僉事一

人

正六品

經歷司經歷一人

從八品

知事一人

正九品

○

安撫司安撫使一人

從五品

同知一人

正六品

副使一

人

從六品

僉事一人

正七品

其屬吏目一人

從九品

○招

討司招討使一人

從五品

副招討一人

正六品

其屬吏

目一人

從九品

○長官司長官一人

正六品

副長官一

人

從七品

其屬吏目一人

未入流

蠻夷長官司長官副

長官各一人

品同上

又有蠻夷官苗民官及千夫長

等官○軍民府土州土縣設官如府州縣洪武七

年西南諸蠻夷朝貢多因元官授之稍與約束定

征徭之法漸為宣慰司者十一為招討司者一為

宣撫司者十為安撫司者十九為長官司者百七

十有三其府州縣正貳屬官或土或流

大率宣慰等管經歷

皆流官府州縣
佐貳多流官

皆因其俗使其附輯諸夷謹守疆

土修職貢供征調無相攜貳有相讐者流上聽命
于天子又有番夷都指揮使司三衛指揮使司三
百八十五宣慰司三招討司六萬戶府四千戶所
四十一站七地面七寨一並以附地寨番夷官其
地焉

明會典四川等處承宣布政使司軍民府四宣撫
司一宣慰司一安撫司三長官司十六○廣西等

處承宣布政使司土官知府二土官知州三十六
土官知縣六軍民府一長官司四○雲南等處承
宣布政使司土府知府七土州知州九土縣知縣
一軍民府土官知府二宣慰司七宣撫司三長官
司二十七○貴州等處承宣布政使司宣慰司一
安撫司二長官司七十五

謹案明代土官設有定職與兩漢蠻夷君長唐
宋羈縻州縣微有不同而亦參用流官今以會

典所載參考明史及各省通志四川軍民府四
皆土官世襲也廣西土府二土州三十六雲南
土官知府七土官知州九土縣一軍民府土知
府二惟貴州府州縣皆流官而同知通判州判
縣丞之類多以土官為之也

明史西域列傳西番即西羌元封駙馬章庫

滿洲語長

把刀也原作
章古今改正

為寧濮郡王鎮西寧於河州設吐番

宣慰司以洮岷黎雅諸州隸之統治蕃衆洪武二

年太祖定陝西即遣官齋詔招諭明年五月吐蕃

宣慰使司索諾木諾爾布

唐古特語索諾木福也諾爾布財也原作鎮南

普今改正

等以元所授金銀牌印宣勅來上會鄧愈克

河州遂詣軍前降其鎮西武靖王布達拉

蒙古語普陀山

也原作卜納刺今改正

亦以吐蕃諸部來納款冬索諾木諾

爾布等入朝四年正月設河州衛命為指揮同知

予世襲知院多爾濟

唐古特語金剛也原作孫兒只今改正

汪家努

原作汪家奴今據字面改正

並為指揮僉事設千戶所八百戶

所七皆命其酋長為之布達拉亦至京師為靖南

衛指揮同知其儕桑節

唐古特語佛也原

多爾濟

為高昌衛

謹案地理志及會典並無高昌衛疑係永昌衛之誤

指揮同知皆

帶刀侍衛自是番酋日至尋以降人馬梅汪威喇

蒙古語威喇近也原作瓦兒今改正

並為河州衛指揮僉事又遣西

寧州同知李南格

原作喃哥今據字面改正

等招撫其酋長至


者亦悉授官乃改西寧州為衛以南格為指揮

謹案明史以諸蠻夷屬于布政司都指揮者為

土司傳而西番諸衛及四川徼外自長河西魚
通寧遠以西訖於朶甘西藏則列為西域傳蓋
以其雖受朝命僅予羈縻不可悉以內地郡縣
之法治之也然西番諸衛如河州衛則屬於陝
西都司永昌衛西寧衛則屬於陝西行都司是
亦與內地各衛無異而西番之烏思藏朶甘董
卜韓胡之屬則別自為司非各省都司行都司
所領是其地固有遠近之殊而其治之亦有詳

畧之異矣今則甘肅土官指揮使以下暨青海
西藏之千戶百戶百長統於甘省董卜韓胡明
正各土司統于川省內外綱維遐爾壹體蓋

德威所播無遠弗届往古羈縻之地受爵納賦無異
甸服洵萬世隆平之極軌矣



欽定歷代職官表卷七十二